

Öise Lade 10-2011, p. 62

Noss mailer ha set onns. El stat en noss curtin dapi la naschientscha da nossa segunda figlia. Ils emprims dus onns ha el fatg pausa, ma dapi lura porta el mintg'onn fritgs. In onn è la raccolta in pau pli pitschna, l'auter onn pli generusa, uschia sco ch'igl è normal tar mailers. Ils fritgs èn buns e fitg succus.



Noss mailer

La primavaira ans allegrain nus da la planta en flur, alura inspectain nus quants fritgs ch'i vegn a dar. La stad passentain nus bleras uras en sia sumbriva e l'atun pudain nus strusch spetgar da degustar l'emprim mail. Per regla essan nus memia baud e l'emprim è plitost asch. Cura ch'igl èn alura propi madirs èni stupents!

Il bel vi da la maila è ch'ins po duvrar ella per tantas differentas chaussas. I dat strusch cunfins per l'elavurar. I na dependa betg, sch'el è criv u cotg, dultsch, asch u salà: in mail gusta simplamain.

Tge che dat tar nus dentant adina da discutir è la furma da la planta. Ils emprims onns ha mes um taglià il pumer. Ils davos dus onns ha insatgi dal fatg fatg quai. Il moment – jau stoss admetter – na ma plascha sia furma in summa betg. El guarda plitgunsch ora sco in ufo che sco in pumer. Per fortuna èsi a noss mailer tuttina co ch'el guarda or. El porta mintg'onn puspè sia bella fritga verda cun las vistas cotschnas che n'è betg mo gustusa, ma era fitg sauna! Ils Anglais din gea: an apple a day keeps the doctor away! (Mangia in mail a di per betg stuair ir tar il medi pli!) Empruvain damai or quai ch'il proverbi ans cusseglia.

Stai bainin!

A handwritten signature in blue ink, which appears to read 'K. Kohler-Pattis'.

Karin Kohler-Pattis